

Kewajipan menjaga kebersihan sungai tanggungjawab semua- Bashir

TEMPATAN



Oleh JAINUDIN DJIMIN

11/09/2022



GAMBAR: GIMIK... Bashir (tiga dari kiri) bersama, Junaddi (dua dari kiri), Trinil (dua dari kanan), Gwen (kana sekali) dan Suhaimi.

LABUAN: Kewajipan menjaga kebersihan dan pencemaran sungai bukan sahaja terletak dibawah tanggungjawab agensi kerajaan tetapi ia juga tanggung jawab kepada semua termasuk pihak swasta dan orang ramai.

Demikian kata, Pengerusi Perbadanan Labuan, Senator Datuk Bashir Alias ketika berucap merasmikan Program Hari Sungai Sedunia dan 90 Tahun Jabatan Pengairan dan Saliran (JPS) peringkat Wilayah Persekutuan Labuan yang diadakan di sini, pada Sabtu.

Justeru itu, Bashir yang juga Ahli Dewan Negara menyeru kepada semua pihak untuk sama sama memikul tanggungjawab dalam memelihara dan memulihkan sungai khususnya di pulau bebas cukai ini.

Katanya, sungai memainkan banyak peranan dalam kehidupan manusia, flora dan fauna selain itu sungai yang bersih dan indah juga berpotensi mencetuskan pembangunan ekonomi dan pelancongan.

"Seperti yang kita maklum, sumber air utama Labuan adalah dari Sabah, sekiranya bekalan air dari Sabah terputus, sungai-sungai dan tadahan air yang ada adalah menjadi harapan kita.

"Sehubungan itu adalah penting bagi kita menjaga kebersihan sungai dan jauhi pencemaran sungai daripada berlaku" katanya

Sementara itu, program yang dianjurkan oleh Jabatan Pengairan dan Saliran (JPS) Wilayah Persekutuan itu turut mendapat sokongan daripada Perbadanan Labuan, Jabatan Alam Sekitar, Bahagian bekalan Air Labuan, Pejabat Metrologi, Indah Water Konsortium Sdn. Bhd dan Rakan Alam Sekitar.

Antara aktiviti yang dijalankan termasuklah program mengutip sampah, pengumpulan buangan elektronik dan elektrikal (e-waste).

Hadir sama, Pengarah Jabatan Pengairan dan Saliran, Junaddi Awang Tuah, Pengarah Bahagian Bekalan Air, Trinil Indah Puspita, wakil Pengarah Jabatan Alam Sekitar, Gwen Dolyne Christoper dan Pengurus Indah Water Konsortium Sdn. Bhd, Suhaimi Barawit.

Share

f Share

Tweet

Share

